



## GRIJANJE

Javno preduzeće "Grijanje" d.o.o. Zenica, Bilmišće br.107, 72 000 Zenica  
telefon +387 32 423 097, fax +387 32 423 099  
www.grijanjezenica.ba

Na osnovu člana 100. stav (4) i člana 69. stav (3) Zakona o javnim nabavkama ("Službeni glasnik BiH" broj 39/14, 59/22 i 50/24), postupajući po žalbi kandidata „ALI&VIS“ d.o.o. Kreševo, Gunjani bb, 71260 Kreševo, koga zastupa Kadrić Remzija, advokat iz Sarajeva, od 21.09.2024. godine, izjavljene na Tendersku dokumentaciju za nabavku robe "Drvena sječka", putem otvorenog postupka javne nabavke, broj: 9281/24 od 11.09.2024. godine, broj obavještenja o nabavci na portalu javnih nabavki: 1091-1-1-297-3-43/24 od 12.09.2024. godine, zaprimljenoj kod ugovornog organa, putem protokola, dana 24.09.2024. godine, evidentiranoj pod brojem: 9796/24, ugovorni organ Javno preduzeće „Grijanje“ d.o.o. Zenica, donosi:

### RJEŠENJE

1. Žalba kandidata „ALI&VIS“ d.o.o. Kreševo, Gunjani bb, 71260 Kreševo, koga zastupa Kadrić Remzija, advokat iz Sarajeva, od 21.09.2024. godine, **USVAJA SE U CIJELOSTI.**
2. Poništava se postupak javne nabavke robe – „Drvena sječka“ putem otvorenog postupka, obavještenje o nabavci broj 1091-1-1-297-3-43/24 od 12.09.2024. godine zbog dokazivih razloga koji su izvan kontrole ugovornog organa i koji se nisu mogli predvidjeti u vrijeme pokretanja postupka javne nabavke.
3. Usvaja se zahtjev žalitelja za naknadu troškova žalbenog postupka u iznosu od 240,00 KM za sastav žalbe, izjavljene po punomoćniku Kadrić Remziji advokatu iz Sarajeva. Uplata troškova postupka izvršit će se na transakcijski račun Advokata Kadrić Remzije otvoren kod Raiffeisen bank d.d., broj računa 161-0000-23734-0096.
4. Ovo rješenje objavit će se na portalu javnih nabavki i na web stranici ugovornog organa.

### O b r a z l o ž e n j e

Dana 24.09.2024. godine, Javno preduzeće "Grijanje" d.o.o. Zenica zaprimilo je Žalbu kandidata „ALI&VIS“ d.o.o. Kreševo, Gunjani bb, 71260 Kreševo, koga zastupa Kadrić Remzija, advokat iz Sarajeva, od 21.09.2024. godine (u daljem tekstu: Žalitelj), izjavljene na Tendersku dokumentaciju za nabavku robe "Drvena sječka", putem otvorenog postupka javne nabavke, broj: 9281/24 od 11.09.2024. godine, broj obavještenja o nabavci na portalu javnih nabavki: 1091-1-1-297-3-43/24 od 12.09.2024. godine.

Ugovorni organ je ocijenio da je žalba žalitelja blagovremena, dopuštena, uredna i izjavljena od strane ovlaštenog lica, u skladu sa članom 99. i članom 105. Zakona o javnim nabavkama.

Žalitelj u žalbi iznosi činjenice na osnovu kojih smatra da je uslov koji je ugovorni organ postavio u tenderskoj dokumentaciji, a koji se odnosi na tačku 6.2. tenderske dokumentacije suprotan članu 61. stav (1) tačka b) i isti član stav (4) Zakona o javnim nabavkama.

Žalitelj u žalbi navodi da ugovorni organ ne može zahtijevati garanciju za uredno izvršenje okvirnog sporazuma već može zahtijevati garanciju za uredno izvršenje pojedinačnih ugovora zaključenih na osnovu okvirnog sporazuma.

Žalitelj dalje navodi da ako se uzme u obzir suština okvirnog sporazuma kojom ugovorni organ ne garantira izabranom ponuđaču da će sporazum realizovati u cijelosti, djelomično ili opšte nego samo ukoliko mu bude potreban predmet sporazuma da će isti nabavljati od izabranog ponuđača sa kojim je zaključio okvirni sporazum, onda je logična zakonska odredba da ni ugovorni organ ne može od izabranog ponuđača da putem bankovne garancije garantuje izvršenje okvirnog sporazuma čije je izvršenje upitno.

Žalitelj je osnovanost svojih žalbenih navoda potvrdio i mišljenjem Agencije za javne nabavke BiH broj 02-02-1-514-2/24 od 15.04.2024. godine u kojem Agencija za javne nabavke BiH navodi da ugovorni organ ne može zahtijevati garanciju za izvršenje okvirnog sporazuma, ali može zahtijevati garanciju za izvršenje pojedinačnog ugovora zaključenog na osnovu okvirnog sporazuma.

Cijeneći činjenične navode iznesene u predmetnoj žalbi i dovodeći iste u vezu sa odredbama Zakona o javnim nabavkama, ugovorni organ cijeni da je žalba žalitelja osnovana u cijelosti.

Na osnovu naprijed navedenog, odlučeno je kao u dispozitivu Rješenja.

**Pravna pouka:** Protiv ovog Rješenja može se izjaviti žalba URŽ-u, putem ugovornog organa, u roku od 10 (deset) dana od dana prijema rješenja.

Broj: 10039 /24

Datum: 30.09.2024. godine



Direktor

Drino Vahdet

**DOSTAVLJENO:**

1x Žalitelju (putem maila)

1x Portal javnih nabavki

web stranica ugovornog organa

1 x Arhiva JN